



**«1926 թվականի հոկտեմբերի 22-ին, երեկոյան ժամը 7-ին
և 11-ին, Լենինական քաղաքում և գավառում տեղի
ունեցած ստորերկրյա ուժեղ ցնցումներ»**

(«Խորհրդային Հայաստան» օրաթերթ)

**ԳԱՐԵԳԻՆ ԱՐՔԵՊԻՍԿՈՊՈՍ ՀՈՎՍԵՓՅԱՆԻ
ԶԵԿՈՒՑԱԳԻՐԸ**

**ՆՈՐԻՆ ՍՐԲՈՒԹԻՆ Տ. Տ. ԳԷՈՐԳ ՍՐԲԱԶՆԱԳՈՅՆ
ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ**

Զերդ Սրբութեան և Գերագոյն Խորհրդի կարգադրութեան համաձայն Հոկտ. 25-ին ճանապարհ ընկայ Լենինական, աղետեալների վիճակի հետ առ տեղեան ծանօթանալու և Մ. Աթոռի կողմից միախառնութեան և հովուական պարտք կատարելու, յանձնելու մաս մեր աղքատիկ գանձարանից որպէս նպաստ նշանակուած հինգ հարիւր (500) թուրքին:

Հետևեալ օրը ժամադիր լինելով Հանրապետական Արտակարգ Յանձնաժողովի նախագահ Ա. Երզնկեանի հետ, տեսակցութիւն ունեցայ, գրուոր յանձնելով Մ. Աթոռի կողմից նշանակուած լուման և յայտնելով Զերդ Սրբութեան վշտաբեկ վիճակը աղէտի հետևանքով և Գերագոյն Խորհրդի ու միաքանութեան խորին ցաւը: Խնդրեցի մաս անարգելք մտնելու, ուր ու պէտք լինի, իմ հովուական պարտքը կատարելու ու միախառնական ու քաջալերական խօսք ուղղելու արկածեալներին: Յանձնաժողովի նախագահը շնորհակալութիւն յայտնեց Մ. Աթոռի կողմից ուղարկուած նպաստի համար, և շատ ցանկալի համարեց մեր ներկայութիւնը և քաջալերական խօսքը աղետեալներին, օգտակար համարելով այդ խումասի և յուսալքման եմթարկուած ժողովրդի համար: Նոյն իմաստով խօսեց և Հայաստանի Կենտրոնական Նախագահ Ա. Կարինեանը, որ ներկայ էր այնտեղ:

Հոկտեմբերի 27-ին տեղի առաջնորդ Տ. Իսահակ Ծ. վարդապետի և երկու հոգաբարձուներու հետ շրջեցի թուր եկեղեցիները և քաղաքի մի մասը, պարտեզները, ուր թեթև, ձեռաց շինած վրանների տակ պստրուպարուած էին տնաւեր աղետեալները: Եկեղեցիներից համեմատաբար աւելի վնասուածը Փրկչի կեղեցին է, որ հարաւային պատին վերից վար ճեղք

է ստացել, իսկ հիւսիսային պատի հիմն ճեղքը մի քիչ անելի լայնացել է: Այսուհետև դռների կամարների, լուսամուտների և պատերի այլ և այլ տն-
դերում ստացել է անվտանգ ճեղքումներ, ընդհանուր առմամբ եկեղեցուն
վտանգ չէ սպառնում, կարելի կլինի ճեղքերը լցնելուց յետոյ՝ աստուած-
պաշտութիւնը շարունակել: Հարցրել եմ մասնաւոր կերպով քննող ճարտա-
րասէտների կարծիքը: Ապա Լուսաւորիչ եկեղեցին է, որ ամենից շատ
ճեղքեր է ստացել, թէ՛ արևելեան և թէ՛ արևմտեան ճակատներից, թեթև
կերպով և միւս պատերի վերայ, բայց ոչ վտանգաւոր, իսկ Ս. Նշանն ու
Աստուածածինը անելի քիչ և մասնակի նշանակութիւն ունեցող:

Երկու նուագում շրջեցի քաղաքը և այցելեցի յատկապէս այն պարտեզ-
ներն ու վայրերը, ուր ժողովուրդը մեծ խմբերով ապաստան է գտել ժամա-
նակաւոր, իրենց իսկ միջոցներով, կապերտներից, գորգերից և այլն պատ-
րաստած վրանների տակ, ամէն տեղ քաջալերական մի խօսք ուղղելով,
Զերդ Սրբութեան օրհնութիւնը յայտնելով և այլն: Քաղաքի կործանման
տպաւորութիւնն ահաւոր է. № 24 և 26 և նրանց կտրող 29 և 30 փողոց-
ները՝ յատկապէս, քաղաքի մի ծայրից մինչև միւսը, գրեթէ, աներուած է,
տապալուած են ամբողջ պատեր, նստած են ամբողջապէս կամ մասամբ
ստաստաղները, և եթէ կանգուն են շէնքերը, վտանգաւոր ճեղքեր են ստա-
ցել, ենթակայ փլուզումների. արդէն հրդեհաշէջների խումբը Թփիխիից ե-
կած, փողոցէ փողոց շրջում է և քանդում այդպիսի պատերը: Ծատ քիչ
տներ կան, որ միայն անվտանգ ճեղքեր են ստացել և անելի քիչ բոլորո-
ւի՞ն անվնասները:

Հոկտեմբերի 30-ին կառք վարձելով այցելեցի քաղաքի մօտակայ մի
քանի գիւղերը, ուղեկցութեամբ Տ. Իսահակ Ծ. վարդապետի և Աստուա-
ծածնի երեսփոխի. առաջին գիւղը Ալեքսանդրովկան էր, ընդամենը 84 տնից
բաղկացած, որից ոչ մէկը չէ ազատուած: Քանդուած է բոլորովին դպրո-
ցական շէնքը, սրբատաշ քարով գողտրիկ եկեղեցին մասամբ քանդուած է
և մասամբ մեծ ճեղքեր ստացել: Գիւղում մահացած գիւղացիների տուած
տեղեկութեամբ 18 հոգի, վիրաւորուած 35, անասուններ սատակել են 30—
40 հատ:

Այնտեղից անցանք Դահարլու գիւղը. այստեղ աղէտը շատ անելի ահա-
ւոր է. 155 տնից չէ ազատուել և ոչ մէկը, գիւղը փլատակների կոյտ է. սըր-
բատաշ քարով շինած եկեղեցին իր արևելեան խորանով և խաչկալով, որ
գիւղացիների ասելով նոր էին շինել տուել և զարդարել, կործանուած է.
մեռած են 117 հոգի և վիրաւորուած 68 հոգի, որ փոխադրուած են ամերի-
կացիների հիւանդանոցը: Կործանուած է նաև ուսումնարանը: Մի ընտա-
նիք բաղկացած 15 հոգուց, միայն երեքն են ազատուած. մի ընտանիք վեց
հոգուց բաղկացած, չի ազատուել և ոչ մէկը և այսպէս բազմաթիւ ընտա-
նիքներ միութեանի հետ ունեցել իրենց անդամների, աշխատող ձեռքերի,
սիրելիների կորուստներ:

Բայանդուր գիւղը 173 տնից բաղկացած նոյն աներման վիճակին է
հասած, կործանուած են բոլոր տները, փլատակների կոյտեր դարձած.
կանգուն էր մնացած միայն մի տուն քաղուկից, բայց նա էլ անբնակելի դար-
ձած: Յունաց և Հայոց եկեղեցիները, սրտաբաւ թարով, կործանուած են եր-
կուսն էլ: Մահացածների թիւը 18 է և վիրաւորների՝ 75, որ մեծ մասով
քաղաք էին փոխադրուած: Եւ այս վիճակի մէջ են մօտ 15 գիւղ, իսկ ընդ-
հանրապէս Ադիցի մինչև Օրթաքիլիսայ, երկաթուղագծի ուղղութեամբ շատ
ու քիչ վնասուած են անելի քան 25 գիւղ:

Հնագիտական արժեք ունեցող շենքերից վնասուած է Երազգաստրուի Սմբատ Ա-ի շինած հոյակապ եկեղեցին (Թ. դարու վերջերի գործ, մեր տասնամանի մէջ գտնուած Խոշավանքը (ո՛չ Անի Հոռոմոսը) թեթև վնասներ է ստացել և ճեղքեր. Տիգրիսի բերդը Ախուրեանի միւս ափին: Անիի մասին հաստատուն տեղեկութիւններ ստանալ չկարողացայ:

Աղէտը մեծ է, Հոգևոր Տէր, և անկշռելի, բայց այս մեծ աղէտի մէջ ևս միխթարական այն երևոյթը, որ օգնութեան գործը կազմակերպուած է հնարատրութեան սահմանների մէջ լաւ. օգնութեան են հասնում մեր կառավարութիւնից զատ և հասարակական կազմակերպութիւններն ու հաստատութիւնները, նոյն իսկ հարեան Վրաստանն ու Այրքեջանը: Եռանդուն գործունեութիւն է ցոյց տալիս Հայաստանի Կարմիր խաչը բժիշկ Ադիբէկեանի ղեկավարութեամբ, Վրաստանի Կարմիր խաչի խմբակը, ոչ միայն քաղաքում, այլ և գիւղերում: Նոյն իսկ ամերիկացիների խնամքի տակ գտնուած որբանոցների հասակաւոր տղայքն իրենց ուսուցչի ղեկավարութեամբ օգնութեան էին հասել գիւղացիներին, փլատակները մաքրելու կամ գետնափոր նոր խրճիթներ փորելու: Ռուսական զինուորութիւնը նոյնպէս մեծ ծառայութիւն է արել այս աղէտի ժամանակ, քաղաքում կարգ պահելով, իսկ գիւղերում էլ փլատակների տակից վնասուածներին հանելու և զոքը փրկելու գործում: Սրանց վերայ պէտք է սուելացնել, թէ Ձերդ Վեհափառութեան և Գերագոյն Խորհրդի կարգադրութիւնը յատուկ ներկայացուցիչ ուղարկելու աղէտի վայրը՝ քաջալերելու և յուսադրելու՝ փոքր միխթարութիւն չէր հաւատացեալների համար թէ՛ քաղաքում և թէ՛ գիւղերում, ուր շնորհակալութեան և երախտագիտութեան խօսքեր էին լսում Մ. Աթոռի հասցէին իմ հոգևոր պարտականութիւնները կատարելիս: Քաղաքում երեք անգամ քարոզ խօսեցի, իսկ Հոկտ. 31-ին նաև պատարագ մատուցի, աղէտի զոհերի յիշատակին:

Վերջացնելով համառօտ զեկուցումս Ձերդ Վեհափառութեան յատուկ ուշադրութիւնը պէտք է խնդրեմ աղէտեալ շրջանների քահանայութեան վրայ. նրանց միջակայ վիճակը շատ և շատ աւելի պիտի ծանրանայ, քան սոսկ քաղաքացիների և գիւղացիների վիճակը, որովհետև նրանք էլ քնաներ դառնալով իրենց հօտի հետ, այսուհետև դժուար թէ, որ և է յոյս ունենան իրենց ժողովրդից ստացուելիք տուրքի համար, որ նրանց ևսպրոստի միջոցն է: Նրանք արժանի են Ձերդ Վեհափառութեան հայրապետական ուշադրութեան և հաւատացեալ եղբայրների միջակայ օգնութեան:

Ձերդ Վեհափառութեան խոնարհ որդի՝

ԳԱՐԵԳԻՆ ԱՐՔԵՊԻՍԿՈՊՈՍ

Ս. Էջմիածին.

10-ին Նոյեմբ. 1928 թ.

